



TE PĀPĀHO REO MĀORI

PAEREWA 19748 (Taura 3)

Te whakaatu māramatanga o te hītōri me te whakawhanake tōrangapū, i te pāpāho reo
Māori ki Aotearoa

(Kaupae 4, Whiwhinga 5)

PUKAPUKA ĀKONGA



INGOA

WĀNANGA/KURA

KAIAROMĀTAI/KAIAKO

TAU ĀKONGA NSN

Tēnā koe

Anei tō pukapuka aromatawai mō te paerewa **19748 Te Pāpāho Reo Māori: Te whakaatu māramatanga o te hītōri me te whakawhanake tōrangapū i te pāpāho reo Māori ki Aotearoa.**

Te paearu aromatawai

E **RUA** (2) ngā tūmahi aromatawai mō te paerewa nei hei whakaoti tika i a koe.

Ngā tohutohu

Ko āu mahi mō te paerewa nei e whai ake ana;

He āta mātakitaki, whakarongo hoki ki te kaiaromātai/kaiako, ā, kia kaha ki te kapo kōrero, ki te whakaahua, ki te tā pikitia rānei.

Me hāngai tika ngā kōrero katoa ki te kaupapa

Conditions

- Me whakaoti tika i ngā tūmahi katoa kia whai whiwhinga mō te paerewa nei.
- Mā kōrua ko tō kaiaromātai/kaiako e whakatau i te tukanga whakaatu, i ngā rauemi hoki ka whakamahia (te rorohiko, te kāmera, te aha atu, te aha atu).
- Me whakaoti tūmahi i roto i ngā hāora o te akomanga engari kei a koe anō te wā kia rangahau kōrero, kia wānanga kaupapa rānei.
- Mā tō kaiaromātai/kaiako e kōrero mō ngā tukanga aromatawai, ngā tukanga mātairua rānei.
- Mā tō kaiaromātai/kaiako anō e whakarite āheinga pea ki te ipurangi, ki te wharepukapuka, ki te marae, ki ngā whare taonga rānei.
- E taea ai te mahi takirua engari ka aromatawai tonu i āu ake mahi.

Ngā rauemi

- Ngā tānga kōrero a te kaiaromātai/kaiako, te kāmera mō ngā whakaahua, ngā kōnae hoki kia kohikohi kōrero rangahau.

Te Hāponotanga

E ai ki ngā ture o NZQA:

- Nāu anō ngā mahi katoa i whakarite hei aromatawai
- Mā te kaiaromātai/kaiako e whai whakaaro (e whakatau) mēnā he mahi kua tāruatia, kua kapea rānei i tētahi atu ākongā, i tētahi pukapuka, i te ipurangi, i te aha atu, i te aha atu.

E taea e koe te ako ngātahi, te mahi ngātahi rānei i ētahi atu tangata hei kohikohi kōrero i ngā puna tautoko huhua. Heoi anō, me mātua mōhio nei te kaiaromātai/kaiako nāu anō ngā mahi i whakarite, i whakatakoto. Hei akiaki tonu i te hāponotanga o āu mahi katoa me whakamahi anō koe i āu ake kupu, ā, me noho mai he āpiti tohutoro i āu puna tautoko.

Me he pātai, he āwangawanga anō ōu, kōrero ki tō kaiako.

Pēhia te paehono nei mō ngā tānga kōrero me ngā whakamārama:

<https://www.nzqa.govt.nz/providers-partners/assessment-and-moderation-of-standards/assessment-of-standards/generic-resources/authenticity/>

KO TĀ TE ĀKONGA PEPA AROMATAWAI

INGOA

NSN #

Putanga 1 Te whakaatu māramatanga o te hītōri me te whakawhanake tōrangapū i te pāpāho reo Māori ki Aotearoa.

Tūmahi Aromatawai 1

Te Wātaka Hui

Whakaritea mai he wātaka taipitopito o ngā hui pāpāho reo Māori nui i tū ai i roto i ngā tau 1987 – 2008 (kaue e wareware ki te ture reo Māori)

Me whakaatu, me whakamārama hoki te wātaka hui i ngā āhuatanga e whai nei:

- Ngā tāngata i whakawhanake ai i te pāpāho reo Māori
- Ngā mahi tōrangapū Māori me ngā āhuatanga e RUA (2) e tautoko ana i ngā whakatureture mō te reo Māori
- Ngā rōpū tōrangapū Māori e RUA (2) me ā rātou mahi whakapakepake i te whanaketanga o te pāpāho reo Māori.

Ko ngā āhuatanga - *tētahi take tōrangapū; tētahi take ohaoha; te mate haere o te reo Māori; te whakakōroiroi mahi a te Māori me ngā rangatira Māori; te ruarua nei o ngā Māori me ngā kaupapa Māori i te ahumahi pāpāho, ngā ratonga a te pouaka whakaata; te ture o Te Aratuku Whakaata Irirangi Māori 2003;*

Ko ngā rōpū – *Te Kaunihera Māori o Aotearoa; Te Kotahitanga Māori o Aotearoa; Ngā Tama Toa; Te Kaiwhakapūmau i te Reo Māori; Te Pāti Māori.*

Ko ngā mahi whakapakepake - *te whakaranea kaipāho Māori; te whakaranea ōrau ki ngā kaupapa me ngā hui Māori; te pāpāho reo Māori; ngā hōtaka reo Māori hei tautoko i te whanaketanga o te reo Māori; ngā mahi whakatureture.*

Hei akiaki tonu i te hāponotanga o āu mahi katoa, me whakamahi anō koe i āu ake kupu, ā, me noho mai he āpiti tohutoro i āu puna tautoko. Ngā mihi nui.

Putanga 2 Whakamātauhia te hīraunga o tētahi hui pāpāho reo Māori ki te ahumahi pāpāho i Aotearoa.

Tūmahi Aromatawai 2

Kōwhiria tētahi hui pāpāho reo Māori, ā, rangahaua hoki āna hīraunga ki te ahumahi pāpāho i Aotearoa.

Ko ngā hui – he hui ā-iwi; he wānanga Māori; he whakataetae ā-rohe/ā-motu; he hui taumata; he tangihanga, te aha atu, te aha atu.

Me whakaatu māramatanga ki:

- te take me ngā hīraunga o te hui pāpāho reo Māori ki te ahumahi pāpāho i Aotearoa.
- ngā āhuatanga me ngā hīraunga o te pāpāho reo Māori ki te ahumahi pāpāho i Aotearoa pēnei i te:
 - whaimana o te reo me ngā tikanga Māori
 - kitenga, te rangoa hoki i te reo me ngā tikanga Māori
 - kounga o ngā mahi pāpāho reo Māori ki te hunga ngākaunui
 - aronga ki te hāpai i te reo me ngā tikanga Māori.

Kia kaha kia manawanui

He pitopito kōrero:

He pitopito kōrero: